

說是法時諸比丘衆釋梵天人阿脩羅等聞
佛所說歡喜奉行
佛說甚深大迴向經

天王太子辟羅經

安公關中異經今附秦錄

聞如是一時佛在舍衛國祇樹給孤獨園天
王太子名曰辟羅飛從天來下至佛所五體
投地稽首足下却叉手住問佛言普世之人
皆求衣食七寶諸樂官爵國土寧有實行求
人不平世尊歎曰大哉問也亦有國土珍寶
諸欲行求索人辟羅又曰可意之願行求人
者其義云何世尊即曰凡有二行行善有福
行惡有殃殃福追人猶影隨形辟羅言善哉
善哉實如佛教惟我前世處世爲王念命無
常意欲報施羣臣普會王曰吾欲作大鼓令
其音震聞百里能有爲之者乎衆臣僉曰臣
等無能爲者有一臣名曰匡上常忠於上慈

濟國民前對曰臣能爲之當須資費王曰大善即開藏付之因輦寶於王宮門鳴鼓令之今天仁之王施蓋慈欲濟黎民之窮乏供道士之衣食若有之者悉詣宮門四國乏者襁負相扶填國塞路仰天歎曰天民窮者今得活哉一歲之後王有詔曰鼓成未乎對曰已

成王言何故不聞其聲臣白言願明王勞屈聖體出臨國內聽佛法鼓聲震十方王即嚴

駕出行國中其民比肩王曰民多乎對曰王前勅臣令作大鼓使聞百里欲以揚德聲于

四遠臣念枯木死皮不能揚王之德譽臣所受寶俱沙門梵志之衣食以濟國民之窮乏

也布告之來四隣歸潤猶飢子之慕慈母王問民曰爾從來乎民誓首曰百里來者二百

里萬里外來者咸曰明王大潤四國欣懌是以去舊土之所生慕潤澤以自濟也王曰善哉吾著矣國之不安猶身有病吾救之以藥臣餉之以糜粥王曰黎民所求恣之無啓聞

矣王後壽終魂靈上生天上作天眇王天上壽盡下生世間位爲飛行皇帝安所出入七寶飛行尊從前後今復上天爲天王太子所以然者自身持戒覆濟衆生之所致也奉佛教戒正身心行無不獲其福者矣佛告辟羅凡人作行警若影之隨身響之應聲無不報答矣辟羅歡喜作禮而去

天王太子辟羅經

十九末

金剛三昧經卷下

行六

門杜下徒該羅上天哀古鈍根上徒措意上徒劍反大康上淮海上音相奪下徒所飄下徒橫夭

上玄益反
於小天

天王太子辟羅經

辟羅上必反襍寶上居之音寺糜粥上碑反

妙王

上美
沼反